



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 53. S. Aldricus Cenomanensis.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. A. C. 836. gentesimo trigesimo sexto in vigesimam octavam Maji incidente, Paderbornam perventum.

§. LIII.

S. Aldricus Cenomanensis.

Gest. to. 3.
Miscell. Ba-
luz. Boll. I.
p. 387.

Aldricus Episcopus Cenomanensis ex primis Francorum stirpibus ortus, & affinitate cum nobilissimis Saxonum, Alemannorum & Bavarorum familiis conspicuus, duodennis a Patre ad Regiam mittitur, inter Caroli Magni & Ludovici filii ipsius Clientes recipiendus, quibus & toti Aulæ carissimus fuit. Postquam autem piissimus adolescens per diem solita Principi obsequia præstitisset, noctu vigilabat, & in Ecclesia Sanctæ Virginis Aquisgrani secreto Psalmos recitabat. Quadam die pro more suo orans, cum jam ad annos pubertatis pervenisset, stimulos sensit internos, quibus incitabatur, ad relinquendum Sæculum, seque totum Dei Servitio mancipandum. At veritus, ne hæc Dæmonis esset illusio, per sex mensium spatium Deum ferventissimis precibus fatigavit, ut se de sua voluntate certiores faceret, cumque elapso illo tempore in concepto proposito se confirmatum existimaret, petit a Rege facultatem recedendi ab aula, quæ ægre impetrata, & concessa sibi atque duo-

duobus aliis Clericis stipendio, Metas se
contulit. Sæculum IX.
A. C. 836.

Aldricus itaque ab Episcopo & Clericis Metensibus humanissime receptus, & habitu Clericali publico Ritu indutus, didicit cantum Romanum, Grammaticam & Sacræ Scripturæ Historiam. Tum vero post duorum annorum lapsum Episcopus (tunc sedebat Gundulfus) eum in Ecclesia S. Stephani Diaconum ordinavit. Rursus curriculo trium annorum expleto a Drogone Presbyter creatur. Subinde Clericorum Electione ad officium Cantoris admovetur, Scholis præficitur, Primicerius constituitur, eique cura omnium Clericorum in Civitate & Diocesi omniumque Monasteriorum committitur. Cum itaque viri fama ad Imperatoris aures pervasisset, accersitur, invitatus ad Regiam venit, & Ludovico Imperatori a Confessionibus esse jubetur. Vix menses quatuor hoc munere functum, Francone Episcopo Cenomanensi morte consumpto, Landranus Archiepiscopus Turonensis, Rorico Comes Cenomanensis, omnes illius Diocesis Primores, Clerici, populusque Aldricum Episcopum eligunt. Consentit Imperator, Drogone concedente Litteras dimissoriales tam ad Archiepiscopum Turonensem, quam ad Episcopum Neo-electum, qui suæ Ec-

to. 5. mist.
p. 141. 142.

Sæculum IX.
A.C. 836.

*Gest. episc.
Cenom to. 3.
Analect. Ma-
bill. p. 276.*

*Hist. O. S. B.
liv. 5. c. 15.*

clesiæ Presbyter erat, directas. Ergo
solemni ritu in Ecclesia Cathedrali Ce-
nomanensi a Landrano, suo Metropolita,
& illius Provinciæ Episcopis Die Do-
minica, vigesima secunda Decembris
anno octingentesimo trigesimo secundo,
annos natus triginta duos ordinatur, il-
lamque Sedem annos viginti quatuor te-
nuit. Tertio post ordinationem die ad-
fuit Imperator, & Cenomani Festa Na-
talis Domini transegit. Primo sui Re-
giminis anno Aldricus constructo aqua-
ductu Cenomanensium necessitati con-
suluit, cum antea in Civitate aqua vi-
caro pretio comparari posset, quam ci-
ves ex Sarta amne advehere cogebantur.
Eodem anno cœpit claustra ædificare pro
Canonicis, qui in diversis ædibus Civi-
tatis habitantes commode ad celebra-
nda Divina officia coire non poterant.
Complura Monasteria & septem Xeno-
dochia vel fundavit vel restauravit.

§. LIV.

Concilium Aquisgranense secundum.

*to. 7. p. 1700.
Astron. an.
835.*

Aldricus Episcopus Comitibus a Ludovi-
co Imperatore mense Februario an-
no octingentesimo trigesimo sexto cele-
bratis seu alio nomine Concilio Aquis-
granensi secundo interfuit. Hujus Con-
cili